

terre sancte subsidio deputate, ad quos littere iste peruenerint. Salutem & apostolicam benedictionem. Peticio dilectorum filiorum abbatis. Cisterciensis eiusque coabbatum & conuentuum vniuersorum, Cisterciensis ordinis, nobis exhibita continebat quod nos, in generali concilio. Lugdunensi. uolentes terre sancte que ab inimicis nominis christiani detinetur miserabiliter occupata, procurare remedia, per que posset de illorum manibus liberari, decimam omnium prouentuum ecclesiasticorum ipsius terre sancte subsidio duximus deputandam, ac postmodum intendentes ordinare seu taxare quantum persone ipsius ordinis de suis prouentibus deberent soluere, eis per uestras indulximus litteras, ut de ipsorum prouentibus nichil occasione huiusmodj decime soluere tenerentur, quousque quantum per eos soluj deberet per nos existeret ordinatum Districtius inhibentes, ne collectores ipsius decime de ipsorum prouentibus aliquid ab eis occasione predicta exigere attemptarent. Cum autem quantum de eorum prouentibus, fructibus, & redditibus, soluere debeant duxerimus ordinandum, ac uolentes ut eisdem abbatibus, & conuentibus, de huiusmodi concessione nostra, uotius perducatur effectus, uobis & singulis uestrum per apostolica scripta mandamus, quatinus ab eisdem abbatibus, & conuentibus, aut eorum monasterijs, locis, seu ecclesijs, decimam huiusmodj, per vos, vel alium, seu alios, nullatenus exigatis Non obstantibus quibuscumque litteris apostolicis, uobis aut aliquibus uestrum, sub quacumque forma, aut expressione uerborum directis hactenus, eo pre-textu. quod continetur in eis quod ab exemptis & non exemptis, cuiuscumque ordinis, condicionis vel dignitatis existat, predictam decimam exigatis, seu in posterum dirigendis, nisi huiusmodi littere dirigende nominatim de ordine predicto, & concessione huiusmodi de uerbo ad uerbum, fecerint mentionem Nos enim nichilominus excommunicationis, interdicti, aut suspensionis sententias, si que in personas dictorum abbatum siue in conuentus ipsos, vel alicuius eiusdem ordinis monasteria, ecclesias, domos, Grangias, seu loca eorum, per vos. uel alium aut alios uobis mandantibus occasione huiusmodi hactenus sint prolate uel inposterum promulgarj contigerit ex nunc irritas decernimus & inanes. Datum Lugduni. Kal. Aprilis. Pontificatus. nostri. anno quarto.

591.

1275 d. 5 Apr.

Lyon.

Påfv. GREGORIUS X:s Bref till Cistercienser-Ordens Abboter, Abbedissor och Conuent om befrielse från Heliga landshjelpen.

A. 1. d. 72. *)

GREGORIUS episcopus seruus seruorum dej. Dilectis filiis vniuersis abbatibus ac abbatissis & conuentibus ordinis Cýsterciensis tam presentibus

*) Efter en af Bisk. BONAVENTURA och Capitlet i Linköping d. 27 Sept. 1292 gjord afskrift.

quam futuris in perpetuum. In uestitu deaurato ecclesie sponse christi, que uarietate circumdata. sponso suo speciosa forma pre filiis hominum. inuariabilis integritate fidei & soliditate spei, a dextris assistit. Cyster-ciensis ordo, diuinis mancipatus obsequiis. & inter religiones ceteras, glori-ose virgini singularitate deuocionis ascriptus. ex institutione primaria. & pro-fessorum ipsius, quantum ex alto conceditur, prosecutionis instancia rutilat caritate, candet castimonia. & pulchritudine conuersationis elucet. Hujus or-dinis candidi nazarei. dicti uidelicet professores eiusdem sub arte obseruan-tie districtione uiuentes. in conspectu eorundem. Regis. Regum & Regine ce-lestis phialas odoramentorum plenas in orationum assiduitate presentant be-neplacitis illorum per opera pietatis inseruiunt. & sic hospitalitatem obseruant. quod sibi pauperes, pauperibus diuites, illis munifici. sibi parci. laboribus non parcunt propriis. sed uictu in sui uultus sudore quesito. se tenui exhi-bent, illis subueniunt habundanter. Hec quidem uobis fauorem omnium uen-dicant, hec uos fauorabiles. recto cuiuslibet pectoris pijs iudicio representant. Solet enim regum & principum aliorumque Magnatum familiaribus ipso-rum contemplacione deferri. Quanto itaque amplius tam peculiaribus eorum-dem. summi regis & regine celestis famulis ipsorum obtentu. in suis est sub-ueniendum necessitatibus, & oportunitatibus assistendum. Profecto immensa inter comparata disparitas. mensuram comparacionis huiusmodi non admittit. Hec nos monent attentius, hec nos & fratres nostros hortantur instantius. uobis & monasteriis uestris contra incidencium decimarum & aliarum exactio-num instantias, oportuno remedio prouidere. Quid enim opus est ea decimare. vel per partes exigere ad seruiendum exinde domino, que ipsius sunt serui-ciis totaliter deputata. Ideoque de ipsorum fratrum nostrorum consilio. uos. Monasteria. ceteraque loca. & bona eiusdem ordinis, ac ipsum ordinem, ab onere cuiuslibet, repentine ac extraordinarie decime seu alterius exactionis eximimus, districtius inhi-bentes, uobis dictisue monasteriis. locis aut bonis, decetero huiusmodi decimam & exactionem, quocumque nomine censeantur, imponi. aut imponendis in posterum. quantumcumque generaliter. sub quauis forma vel expressione uerborum, a uobis exigi. vel uos super illis aliquatenus molestari. Decernentes exnunc omnem sentenciam suspensionis. interdicti seu excommunicacionis. in uos. Monasteria. Loca. vel bona predicta. propter hoc quacumque auctoritate latam. irritam & inane. ac uiribus omnino carere. Nulli ergo &c. nostre exempcionis, inhi-bicionis & constitutionis &c. Datum Lugduni per manum Magistri Lanfranci, archidiaconi pergamensis sancte Ro-mane ecclesie, uicecancellarij. Nonis aprilis. Indictione. III:a. Incarnacione dominice, Anno. M^o.CC^o.LXXV^o, pontificatus uero, Domini Gregorij, pape, decimj. Anno quarto.